

黃帝內經素問卷之四十七

榮五

黃帝內經素問補註釋文卷之四十七 榮五

唐太僕令啓玄子王冰次註

宋光祿卿直祕閣林億等校正

宋守尚書屯田郎孫兆重改誤

刺法論篇缺

本病論篇缺

新校正云詳此二篇缺在王注之前按病能論篇末在王冰注云世本既缺第七二篇謂此三篇也而今世有素問七篇及昭明隱旨論以謂此七篇仍托名王冰爲註

辭理鄙陋無足取者舊本此篇名在六元  
正紀論後列之為後人移於此若以尚書  
三篇之名皆在前篇之末則舊本為得

至真要大論篇上

黃帝問曰五氣交合盈虛更作余知之矣六

榮五

氣分治司天地者其至何如

五行主歲歲有少多故曰盈虛更作也天  
元正紀大論曰其始也有餘而往不足隨  
之不足而往有餘從之則其義也天分六  
氣散主大虛二之氣司天終之氣監地天

地生化是為大紀故言司天地者餘四可知矣

岐伯再拜對曰明乎哉問也天地之大紀人神之通應也

天地變化人神運為中外雖殊然其通應

則一也

帝曰願聞上合昭昭下合冥冥奈何岐伯曰此道之所主工之所疑也

不知其要流故無窮

帝曰願聞其道也岐伯曰厥陰司天其化以

風

飛揚鼓拆和氣發生萬物榮枯皆因而化  
變成敗也

少陰司天其化以熱

炎蒸鬱燠故庶類蕃茂

榮五

太陰司天其化以濕

雲雨潤澤津液生成

少陽司天其化以火

炎熾赫烈以燮寒灾

陽明司天其化以燥

乾化以行物無濕敗

太陽司天其化以寒

對陽之化也○新校正云詳註云對陽之  
化陽字疑誤

以所臨藏位命其病者也

肝木位東方心火位南方脾土位中央肺  
金位西方腎水位北方是五藏定位然六  
氣御五運所至氣不相得則病相得則和  
故先以六氣所臨後言五藏之病

帝曰地化奈何岐伯曰司天同候間氣皆然

六氣之本自有常性故雖位易而化治皆

同

帝曰間氣何謂岐伯曰司左右者是謂間氣也

六氣分化常以二氣司天地為上下吉凶

卷五

三

勝復客主之理歲中悔吝從而明之餘四氣散居左右也故陰陽應象大論曰天地者萬物之上下左右者陰陽之道路此之謂也

帝曰何以異之岐伯曰主歲者紀歲間氣者

紀步也

歲三百六十五日四分日之一步六十日  
餘八十七刻半也積步之日而成歲也

帝曰善歲主奈何岐伯曰厥陰司天為風化  
己亥之歲風高氣遠雲飛物揚風之化也

在泉為酸化

寅申之歲木司地氣故物化從酸

司氣為蒼化

木運之氣丁壬之歲化蒼青也

間氣為動化

徧主六十日餘八十七刻半也○新校正  
云詳丑未之歲厥陰爲初之氣子午之歲  
爲二之氣辰戌之歲爲四之氣卯酉之歲  
爲五之氣  
少陰司天爲熱化

子午之歲陽光熠耀暄暑流行熱之化也

熠羊  
入切

在泉爲苦化

卯酉之歲火司地氣故物以苦生

不司氣化

君不主運○新校正云按天元紀大論云  
君火以名相火以位謂君火不主運也

居氣為灼化

六十日餘八十七刻半也居本位君火為  
居不當間之也○新校正云詳少陰不曰

林宗五

四

間氣而云居氣者蓋尊君火無所不居不  
當間之也王註云居本位為居不當間之  
則居他位不為居而可間也寅申之歲為  
初之氣丑未之歲為二之氣巳亥之歲為  
四之氣辰戌之歲為五之氣

太陰司天為濕化

丑未之歲埃鬱矇昧雲雨潤濕之化也

在泉為甘化

辰戌之歲也土司地氣故甘化先焉

司氣為斡化

土運之氣甲巳之歲斡黃也

間氣為柔化

濕化行則庶物柔爽○新校正云詳太陰

卯酉之歲為初之氣寅申之歲為二之氣

子午之歲為四之氣巳亥之歲為五之氣

少陽司天為火化

寅申之歲也炎光赫烈燔灼焦然火之化也

在泉為苦化

巳亥之歲也火司地氣故苦化先焉

卷第五

五

司氣為丹化

火運之氣戊癸歲也

間氣為明化

明炳明也亦謂霞燒○新校正云詳少陽辰戌之歲為初之氣卯酉之歲為二之氣

寅申之歲為四之氣丑未之歲為五之氣  
陽明司天為燥化

卯酉之歲清切高明霧露蕭瑟燥之化也  
在泉為辛化

子午之歲也金司地氣故辛化先焉

司氣為素化

金運之氣乙庚歲也

間氣為清化

風生高勁草木清冷清之化也○新校正

云詳陽明己亥之歲為初之氣辰戌之歲

為二之氣寅申之歲為四之氣丑未之歲  
為五之氣

太陽司天為寒化

辰戌之歲嚴肅峻整慘慄凝堅寒之化也  
在泉為鹹化

丑未之歲水司地氣故化從鹹

司氣為玄化

水運之氣丙辛歲也

間氣為藏化

陰凝而冷庶物斂容歲之化也○新校正

云詳子午之歲太陽為初之氣巳亥之歲  
為二之氣卯酉之歲為四之氣寅申之歲  
為五之氣

故治病者必明六化分治五味五色所生五  
藏所宜乃可以言盈虛病生之緒也

榮五

六

學不厭備習也

帝曰厥陰在泉而酸化先余知之矣風化之  
行也何如岐伯曰風行于地所謂本也餘氣  
同法

厥陰在泉風行于地少陰在泉熱行于地

太陰在泉濕行于地少陽在泉火行于地  
陽明在泉燥行于地太陽在泉寒行于地  
故曰餘氣同法也本謂六氣之上元氣也  
本乎天者天之氣也本乎地者地之氣也  
化於天者為天氣化於地者為地氣○新  
校正云按易曰本乎天者親上本乎地者  
親下此之謂也

天地合氣六節分而萬物化生矣

萬物居天地之間悉為六氣所生化陰陽  
之用未嘗有逃生化出陰陽也

故曰謹候氣宜無失病機此之謂也

病機下文具矣

帝曰其主病何如

言采藥之歲也

岐伯曰司歲備物則無遺主矣

榮五

七

謹候司天地所生化者則其味正當其歲

也故彼藥上專司歲氣所收藥物則一歲

二歲其所主用無遺畧也今詳則字當作

用

帝曰先歲物何也岐伯曰天地之專精也

專精之氣藥物肥濃又於使用當其正氣  
味也○新校正云詳先歲疑作司歲

帝曰司氣者何如

司運氣也

岐伯曰司氣者主歲同然有餘不足也

五運主歲者有餘不足比之歲物恐有薄  
有餘之歲藥專精也

帝曰非司歲物何謂也岐伯曰散也

非專精則散氣散氣則物不純

故質同而異等也

形質雖同力用則異故不尚之

氣味有薄厚性用有躁靜治保有多少力化有淺深此之謂也

物與歲不同者何以此爾

帝曰歲主藏害何謂岐伯曰以所不勝命之

則其要也

木不勝金金不勝火之類是也

帝曰治之奈何岐伯曰上淫于下所勝平之外淫于內所勝治之

淫謂行所不勝已者也上淫于下天之氣

也外淫于內地之氣也隨所制勝而以平治之也制勝謂五味寒熱溫涼隨勝用之下文備矣○新校正云詳天氣主歲雖有淫勝但當平調之故不曰治而曰平也

帝曰善平氣何如

榮五

平謂診平和之氣

岐伯曰謹察陰陽所在而調之以平為期正者正治反者反治

知陰陽所在則知尺寸應與不應不知陰陽所在則以得為失以逆為從故謹察之

也陰病陽不病陽病陰不病是爲正病則  
正治之謂以寒治熱以熱治寒也陰位已  
見陽脉陽位又見陰脉是謂反病則反治  
之謂以寒治寒以熱治熱也諸方之制咸  
悉不然故曰反者反治也

帝曰夫子言察陰陽所在而調之論言人迎  
與寸口相應若引繩小大齊等命曰平

新校正云詳論言至曰平本靈樞之文今  
出甲乙經云寸口主中人迎主外兩者相  
應俱往俱來若引繩小大齊等春夏人迎

微大秋冬寸口微大者名曰平也

陰之所在寸口何如

陰之所在脉沈不應引繩齊等其候頗乖

故問以明之

岐伯曰視歲南北可知之矣帝曰願卒聞之

禁五

九

岐伯曰北政之歲少陰在泉則寸口不應

木火金水運面北受氣凡氣之在泉者脉  
悉不見唯其左右之氣脉可見之在泉之  
氣善則不見惡者可見病以氣及容主淫  
勝名之在天之氣其亦然矣

厥陰在泉則右不應

少陰在右故

太陰在泉則左不應

少陰在左故

南政之歲少陰司天則寸口不應

土運之歲面南行令故少陰司天則二手

寸口不應也

厥陰司天則右不應太陰司天則左不應

亦左右義也

諸不應者反其診則見矣

不應皆為脉沈脉沈下者仰手而沈覆其  
手則沈為浮細為大也

帝曰尺候何如岐伯曰北政之歲三陰在下  
則寸不應三陰在上則尺不應

司天曰上在泉曰下

南政之歲三陰在天則寸不應三陰在泉則  
尺不應左右司

尺不應寸左右悉與寸不應義同

故曰知其要者一言而終不知其要流散無  
窮此之謂也

要謂知陰陽所在也知則用之不惑不知  
則尺寸之氣沈浮小大常三歲一差欲求  
其意猶遶樹間枝雖白首區區尚未知所  
詣況其旬月而可知乎

帝曰善天地之氣內淫而病何如岐伯曰歲

榮五

十

厥陰在泉風淫所勝則地氣不明平野昧草  
乃早秀民病灑灑振寒善伸數欠心痛支滿  
兩脅裏急飲食不下噎咽不通食則嘔腹脹  
善噫得後與氣則快然如衰身體皆重

謂甲寅丙寅戊寅庚寅壬寅甲申丙申戊

申庚申壬申歲也地氣不明謂天圍之際  
氣色昏暗風行地上故平野皆然昧謂暗  
也脅謂兩乳之下及肱外也伸謂以欲伸  
努筋骨也○新校正云按甲乙經灑灑振  
寒善伸數欠爲胃病食則嘔腹脹善噫得  
後與氣則快然如衰身體皆重爲脾病飲  
食不下噎咽不通邪在胃管也蓋厥陰在  
泉之歲木王而剋脾胃故病如是又按脉  
解云所謂食則嘔者物盛滿而上溢故嘔  
也所謂得後與氣則快然如衰者十二月

陰氣下衰而陽氣且出故曰得後與氣則快然如衰也

歲少陰在泉熱淫所勝則焰浮川澤陰處反明民病腹中常鳴氣上衝宵喘不能久立寒熱皮膚痛目瞑齒痛項腫惡寒發熱如瘧少腹中痛腹大蟄蟲不藏

榮五

土

謂乙卯丁卯己卯辛卯癸卯乙酉丁酉己酉辛酉癸酉歲也陰處北方也不能久立足無力也腹大謂心氣不足也金火相薄而為是也○新校正云按甲乙經齒痛項

腫為大腸病腹中雷鳴氣上衝胃喘不能  
久立邪在大腸也蓋少陰在泉之歲火剋  
金故大腸病也

歲太陰泉草乃旱榮

新校正云詳此四字疑衍

濕淫所勝則埃昏巖谷黃反見黑至陰之交  
民病飲積心痛耳聾渾渾焯焯嗑腫喉痺陰  
病血見少腹痛腫不得小便病衝頭痛目似  
脫項似拔腰似折髀不可以回膈如結膈如  
別

謂甲辰丙辰戊辰庚辰壬辰甲戌丙戌戊  
戌庚戌壬戌歲也太陰爲土色見應黃於  
天中而反見於北方黑處也水土同見故  
曰至陰之交合其氣色也衝頭痛謂腦後  
眉間痛也臃謂膝後曲脚之中也膈脰後

軟肉處也○新校正云按甲乙經耳聾渾  
渾焯焯噬腫喉痺爲三佳病爲病衝頭痛  
目似脫項似拔腰似折髀不可以回臃如  
結膈如別爲膀胱足太陽病又少腹腫痛  
不得小便邪在三焦蓋太陰在泉之歲土

王剋太陽故病如是也

朧戈 麥切

歲少陽在泉火淫所勝則焰明郊野寒熱更至民病注泄赤白少腹痛溺赤甚則血便少

陰同候

謂乙巳丁巳巳巳辛巳癸巳乙亥丁亥巳

榮五

十一

亥辛亥癸亥歲也處寒之時熱更其氣熱氣既往寒氣後來故云更至也餘候與少陰在泉證同

歲陽明在泉燥淫所勝則霧濤清瞑民病喜嘔嘔有苦善大息心脅痛不能反側甚則噎

乾面塵身無膏澤足外反熱

謂甲子壬子戊子庚子壬子甲午丙午戊

午庚午壬午歲也霧霧謂霧暗不分似霧也清薄寒也言霧務起霧暗不辨物形而薄寒也心脅痛謂心之傍脅中痛也面塵謂

面上如有觸冒塵土之色也○新校正云

按甲乙經病喜嘔嘔有苦喜大息心脅痛

不能反側甚則面塵身無膏澤足外反熱

為膽病嗑乾而虛為肝病蓋陽明在泉之

歲金旺剋木故病如是又按脈解云少陽

所謂心脅痛者言少陽盛也盛者心之所  
衰也九月陽氣盡而陰氣盛故心脅痛所  
謂不可反側者陰氣藏物也物藏不得動  
故不可反側也

歲太陽在泉寒淫所勝則凝肅慘慄民病少

林宗五

十三

腹控羣引腰脊上衝心痛血見嗌痛頷腫

謂乙丑丁丑巳丑辛丑癸丑乙未丁未巳  
未辛未癸未歲也凝肅謂寒氣靄空凝而  
不動萬物靜肅其儀形也慘慄寒甚也控  
引也羣陰丸也頷頰車前牙之下也○新

校正云按甲乙經嗌痛頷腫爲小腸病又  
少腹控辜引腰脊上衝心肺邪在小腸也  
蓋太陽在泉之歲水剋火故病如是  
帝曰善治之奈何岐伯曰諸氣在泉風淫于  
內治以辛涼佐以苦以甘緩之以辛散之

風性喜溫而惡清故治之涼是以勝氣治  
之也佐以苦隨其所利也木苦急則以甘  
緩之若抑則以辛散之藏氣法時論曰肝  
苦急急食甘以緩之肝欲散急食辛以散  
之此之謂也食亦音飼已曰食他曰飼也

大法正味如此諸爲方者不必盡用之佐  
一佐二佐病已則止餘氣皆然

熱淫于內治以鹹寒佐以甘苦以酸收之以  
苦發之

熱性惡寒故治以寒也熱之大盛甚於表

者以苦發之不盡復寒制之寒制不盡復  
苦發之以酸收之甚者再方微者一方可  
使必已時發時止亦以酸收之

濕淫于內治以苦熱佐以酸淡以苦燥之以  
淡泄之

濕與燥反故治以苦熱佐以酸淡也燥除  
濕故以苦燥其濕也淡利竅故以淡滲泄  
也藏氣法時論曰脾苦濕急食苦以燥之  
靈樞經曰淡利竅也生氣通天論曰味過  
於苦脾氣不濡胃氣乃厚明苦燥也○新

禁五

十四

校正云按天元正紀大論曰下大陰其化

下甘溫

火淫于內治以鹹冷佐以苦辛以酸收之以  
苦發之

火氣大行心腹心怒之所生也鹹性柔爽

故以治之以酸收之大法候其須汗者以  
辛佐之不必要資苦味令其汗也欲柔熯  
者以鹹治之藏氣法時論曰心欲熯急食  
鹹以熯之心苦緩急食酸以收之此之謂  
也

燥淫于內治以苦溫佐以甘辛以苦下之

溫利涼性故以苦治之下謂利之使不得  
也○新校正云按藏氣法時論曰肺苦氣  
上逆急食苦以泄之以辛寫之以酸補之  
又按下文司天燥淫所勝佐以酸辛此云

甘辛者甘字疑當作酸天元正紀大論云  
下酸熱與苦溫之治又異又云以酸收之  
而安其下甚則以苦泄之

寒淫于內治以甘熱佐以苦辛以鹹寫之以  
辛潤之以苦堅之

林宗五

十五

以熱治寒是為摧勝折其氣用令不滋繁  
也苦辛之佐通事行之○新校正云按藏  
氣法時論曰腎苦燥急食辛以潤之腎欲  
堅急食苦以堅之用苦補之鹹寫之舊注  
引此在濕淫于內之下無義今移於此

帝曰善天氣之變何如岐伯曰厥陰司天風  
淫所勝則大虛埃昏雲物以擾寒生春氣流  
水不冰民病胃脘當心而痛上支兩脅滿咽  
不通飲食不下舌本強食則嘔冷泄腹脹澹  
泄寢水閉蟄蟲不出病本于脾

謂乙巳丁巳巳巳辛巳癸巳乙亥丁亥巳  
亥辛亥癸亥歲也是歲民病集於中也風  
自天行故大虛埃起風動飄蕩故雲物擾  
也埃青塵也不分遠物是爲埃昏土之爲  
病其善泄利若病水則小便閉而不下若

大泄利則經水亦多閉絕也。○新校正云  
按甲乙經舌本強食則嘔腹脹溏泄痲水  
閉為脾病又胃病者腹脾脹胃脘當心而  
痛上支兩脅滿咽不通食飲不下蓋厥陰  
司天之歲木勝土故病如是

### 衝陽絕死不治

衝陽在足跗上動脈應手胃之氣也衝陽  
脈微則食飲減少絕則藥食不入亦下必  
還出也攻之不入養之不生邪氣日強真  
氣內絕故其必死不可復也

少陰司天熱淫所勝怫熱至火行其政民病  
胃中煩熱嗌乾右胠滿皮膚痛寒熱欬喘大  
雨且至唾血血泄孰衄嘔瀉色變甚則瘡  
瘍肘腫肩背臂臑及缺盆中痛心痛肺膜腹  
大滿膨膨而喘欬病本于肺

禁五

十六

謂甲子丙子戊子庚子壬子甲午丙午戊  
午庚午壬午歲也怫熱至是火行其政乃  
爾是歲民病集於右蓋以小腸通心故也  
病自肺生故曰病本于肺也○新校正云  
按甲乙經瀉色變肩背臂臑及缺盆中痛

腹脹滿膨膨而喘欬為肺病，顛衄為大腸病。蓋少陰司天之歲，火剋金，故病如是。又王注：民病集於古，以小腸通心，故按甲乙經大腸附脊左環，回腸附脊右環，所說不應得。非火盛剋金，大腸病歟。

尺澤絕死不治

尺澤左肘內廉大文中動脈，應手肺之氣也。火爍於金，承天之命，金氣內絕，故必危。三尺澤不至，肺氣以絕，榮衛之氣宣行無主，真氣內竭，生之何有哉。

太陰司天濕淫所勝則沈陰旦布雨變枯槁  
跗腫骨痛陰痺陰痺者按之不得腰脊頭項  
痛時眩大便難陰氣不用飢不欲食欬唾則  
有血心如懸病本于腎

謂乙丑丁丑己丑辛丑癸丑乙未丁未己

卷五

十七

未辛未癸未歲也沈久也腎氣受邪水無  
能潤下焦枯涸故大便難也○新校正云  
按甲乙經飢不用食欬唾則有血心懸如  
飢狀爲腎病又邪在腎則骨痛陰痺陰痺  
者按之而不得腹脹腰痛大便難肩背頸

項強痛時眩蓋太陰司天之歲土剋水故  
病如是

大谿絕死不治

大谿在足內踝後跟骨上動脉應手腎之  
氣也土邪勝水而腎氣內絕邪甚正微故

方無所用矣

少陽司天火淫所勝則溫氣流行金政不平  
民病頭痛發熱惡寒而瘧熱上皮膚痛色變  
黃赤傳而為水身面胗腫腹滿仰息洪注赤  
白瘡瘍欬唾血煩心胷中熱甚則斃衄病本

于肺

謂甲寅丙寅戊寅庚寅壬寅甲申丙申戊申庚申壬申歲也火來用事則金氣受邪故曰金政不平也火炎於上金肺受邪客熱內燔水無能救故化生諸病也制火之

客則已矣○新校正云按甲乙經邪在肺則皮膚痛發寒熱蓋少陽司天之歲火剋金故病如是

天府絕死不治

天府在肘後內側上掖下同身寸之三寸

動脈應手肺之氣也火盛而金脈絕故死  
陽明司天燥淫所勝則木乃晚榮草乃晚生  
筋骨內變民病左胛脅痛寒清于中感而瘧  
大涼革候欬腹中鳴注泄驚澹名木斂生莢  
于下草焦上首心脅暴痛不可反側盭乾面  
塵腰痛丈夫癩疝婦人少腹痛目昧背瘍瘡  
痊癰蟄蟲來見病本于肝

卷五

十八

請乙卯丁卯己卯辛卯癸卯乙酉丁酉己  
酉辛酉癸酉歲也金勝故草木晚生榮也  
配於人身則筋骨內應而不用也大涼之

氣變易時候則人寒清發於中內感寒氣  
則為痰癘也大腸居右肺氣通之令肺氣  
內淫肝居于左故左肱骨痛如刺割也其  
歲民自注泄則無淫勝之疾也大涼吹寒  
也大涼且甚陽氣不行故木容收斂草榮  
悉晚生氣已升陽不布令故閉積生氣而  
稽於下也在人之應則少腹之內痛氣居  
之發疾於仲夏瘡瘍之疾猶及秋中瘡癰  
之患生於上癰腫之類生於下瘡色雖赤  
中心正白物氣之常也○新校正云按甲

乙經腰痛不可以俛仰丈夫癩疝婦人少  
腹腫甚則嗑乾面塵為肝病又胃滿洞泄  
為肝病又心胃痛不能反側目脫背瘍缺  
盆中腫痛掖下腫馬刀挾櫻汗出振寒瘧  
為膽病蓋陽明司天之歲金剋木故病如

禁五

十九

是又按脉解云厥陰所謂癩疝婦人少腹  
腫者厥陰者辰也三月陽中之陰邪在中

故曰癩疝少腹腫也

瘕疽  
禾切

大衝絕死不治

大衝在足大指本節後二寸脉動應手肝

之氣也金來伐木肝氣內絕真不勝邪其  
死宜也

太陽司天寒淫所勝則寒氣反至水且冰血  
變于中發為癰瘍民病厥心痛嘔血血泄  
衄衄善悲時眩仆運火炎烈雨暴乃電宵腹滿  
手熱肘攣掖腫心澹澹大動宵脊胃腕不安  
面赤目黃善噫嗑乾甚則色始渴而欲飲病  
本于心

謂甲辰丙辰戊辰庚辰壬辰甲戌丙戌戊  
戌庚戌壬戌歲也太陽司天寒氣布化故

水且冰而血凝皮膚之間衛氣結聚故爲  
癰也若乘火運而火炎烈與水交戰故暴  
雨半球形電也心氣爲噫故善噫是歲民  
病集于心脅之中也陽氣內鬱濕氣下蒸  
故心厥痛而嘔血血泄鼻衄面赤目黃善

噫手熱肘攣掖腫嗑乾甚則寒氣勝陽水  
行凌火火氣內鬱故渴而欲飲也病始心  
生爲陰凌犯故云病本于心也○新校正  
云按甲乙經手熱肘攣掖腫甚則宵脅支  
滿心澹澹大動面赤目黃爲手心主病又

邪在心則病心痛善悲時眩仆蓋太陽司  
天之歲水剋火故病如是

神門絕死不治

神門在手之掌後銳骨之端動脈應手真  
心氣也水行勝火而心氣內絕神氣已亡

卷五

二十

不死何待善知其診故不治也

所謂動氣知其藏也

所以診視而知死者何以皆是藏之經脈  
動氣知神藏之存亡爾

帝曰善治之奈何

謂可攻治者

岐伯曰司天之氣風淫所勝平以新涼佐以苦甘以甘緩之以酸寫之

厥陰之氣未為盛熱故以涼藥平之夫氣之用也積涼為寒積溫為熱以熱少之其則溫也以寒少之其則涼也以溫多之其則熱也以涼多之其則寒也各當其分則寒寒也溫溫也熱熱也涼涼也方書之用可不務乎故寒熱溫涼遷降多少善為方

者意必精通餘氣皆然從其制也○新校

正云按本論上文云上淫天下所勝平之  
外淫于內所勝治之故在泉曰治司天曰  
平也

熱淫所勝平以鹹寒佐以苦甘以酸收之  
熱氣已退時發動者是為心虛氣散不斂

林宗五

三十一

以酸收之雖以酸收之亦兼寒助乃能殄  
除其源本矣熱見大甚則以苦發之汗已  
便涼是邪氣盡勿寒冰之汗已猶熱是邪  
氣未盡則以酸收之已又熱則復汗之已  
汗復熱是藏虛也則補其心可矣法則合

爾諸治熱者亦未必得再三發三治況四  
變而反覆者乎

濕淫所勝平以苦熱佐以酸辛以苦燥之以  
淡泄之

濕氣所淫皆為腫滿但除其濕腫滿自衰  
因濕生病不腫不滿者亦爾治之濕氣在  
上以苦吐之濕氣在下以苦泄之以淡滲  
之則皆燥也泄謂滲泄以利水道下小便  
為法然酸雖熱以用利小便去伏水也治  
濕之病不下小便非其法也○新校正云

按濕淫于內佐以酸淡此云酸辛者辛疑當作淡  
濕上甚而熱治以苦溫佐以甘辛以汗為故而止

身半以上濕氣餘火氣復鬱鬱濕相薄則以苦溫甘辛之藥解表流汗而祛之故云以汗為除病之故而已也

火淫所勝平以鹹冷佐以甘苦以酸收之以苦發之以酸復之熱淫同

同熱淫義熱亦如此法以酸復其本氣也

不復其氣則淫氣空虛招其本其本虛也

燥淫所勝平以苦濕佐以酸辛以苦下之

制燥之勝必以苦濕是火之氣味也宜下

必以苦宜補必以酸宜寫必以辛清甚生

寒留而不去則以苦濕下之氣有餘則以

林榮五

二十二

辛寫之諸氣同○新校正云按上文燥淫

于內治以苦溫此云苦濕濕當為溫文注

中濕字三並當作溫又按六元正紀大論

亦作苦小溫必甘無名之指時之小也必

寒淫所勝平以辛熱佐以苦甘以鹹寫之

淫散止之不可過也○新校正云按上文  
寒淫于內治以甘熱佐以苦辛此云平以  
辛熱佐以甘苦者此文爲誤又按六元正  
紀大論云太陽之政歲宜苦以燥之  
帝曰善邪氣反勝治之奈何  
不能淫勝於他氣反爲不勝之氣爲邪以  
勝之

岐伯曰風司于地清反勝之治以酸溫佐以  
苦甘以辛平之

厥陰在泉則風司于地謂五寅歲五申歲

邪氣勝盛故先以酸寫佐以苦甘邪氣退  
則正氣虛故以辛補養而平之

熱司于地寒反勝之治以甘熱佐以苦辛以  
鹹平之

少陰在泉則熱司于地謂五卯五酉歲也

卷五

二二三

先寫其邪而後平其正氣也

濕司于地熱反勝之治以苦冷佐以鹹甘以  
苦平之

太陰在泉則濕司于地謂五辰五戌歲也

補寫之義餘氣皆同

火司于地寒反勝之治以甘熱佐以苦辛以  
鹹平之

少陽在泉則火司于地謂五巳五亥歲也  
燥司于地熱反勝之治以平寒佐以苦甘以  
酸平之以和為利平其五歲也

陽明在泉則燥司于地謂五子五午歲也  
燥之性惡熱而畏寒故以冷熱和平為方  
利也

寒司于地熱反勝之治以鹹冷佐以甘辛以  
苦平之

太陽在泉則寒司于地謂五丑五未歲也  
此六氣方治與前勝法殊別其云治者寫  
客邪之勝氣也云佐者皆所利所宜也云  
平者補已弱之正氣也

帝曰其司天邪勝何如岐伯曰風化於天清

反勝之治以酸溫佐以甘苦

巳亥歲也

熱化於天寒反勝之治以甘溫佐以苦酸辛  
子午歲也

濕化於天熱反勝之治以苦寒佐以苦酸

丑未歲也

火化於天寒反勝之治以甘熱佐以苦辛

寅申歲也

燥化於天熱反勝之治以辛寒佐以甘苦

卯酉歲也

藥五

寒化於天熱反勝之治以鹹冷佐以苦辛

二十四

辰戌歲也

帝曰六氣相勝奈何

先舉其用為勝

岐伯曰厥陰之勝耳鳴頭眩憤憤欲吐胃滿

如寒大風數舉倮蟲不滋胠脅氣并化而為  
熱小便黃赤胃脘當心而痛上支兩脅腸鳴  
飧泄少腹痛注下赤白甚則嘔吐噎不通  
五已五亥歲也心下臍上謂之分胃噎謂  
胃脘之上及大噎之下風寒氣所生也氣  
并謂偏著邊噎謂食飲入而復出也  
新校正云按甲乙經胃病者胃脘當心而  
痛上支兩脅噎不通

少陰之勝心下熱苦飢臍下及痛氣遊三焦  
炎暑至木乃津草乃萎嘔逆躁煩腹滿痛澹

泄傳為赤沃

五子五午歲也沃沐也

太陰之盛火氣內鬱瘡瘍於中流散於外病  
在胠脅甚則心痛熱格頭痛喉痺項強獨勝  
則濕氣內鬱寒迫下焦痛留頂互引眉間胃

禁五

二十五

滿雨數至燥化乃見少腹滿腰脰重強內不  
便善注泄足下溫頭重足脛腫胛飲發於中  
胛腫於上

五丑五未歲也濕勝於上則火氣內鬱勝  
於中則寒迫下焦水溢河渠則鱗蟲離水

也。臁謂脣肉也不便謂腰重內強直屈伸不利也。獨勝謂不兼鬱火也。肘腫於上謂首面也。足脛腫是火鬱所生也。○新校正云詳註云水溢河渠則鱗蟲離水也。王作此註於經文無所解。又按太陰之復云大雨時行鱗見於陸則此文於雨數至下脫少鱗見於陸四字不然則王注無因為解也。

少陽之勝熱客於胃煩心心痛目赤欲嘔嘔酸苦飢耳痛溺赤善驚譫妄暴熱消爍草萎

水涸介蟲乃屈少腹痛下沃赤白

五寅五申歲也熱暴甚故草萎水涸陰氣  
消爍介蟲金化也火氣大勝故介蟲屈伏  
酸醋水也

陽明之勝清發於中左胛脅痛澹泄內為噎  
寒外發癩疔大涼肅殺華英改容毛蟲乃殃  
胃中不便噎塞而欬

五卯五酉歲也大涼肅殺金氣勝木故草  
木華英為殺氣損削改易形容而焦其上  
首也毛蟲木化氣不宜金故金政大行而

毛蟲死耗也肝木之氣下主於陰故大涼  
行而癩疝發也胃中不便謂呼吸回轉或  
痛或緩急而不利便也氣大盛故噎塞而  
欬也噎謂喉之下接連胃中肺兩葉之間  
也

卷五

二十六

太陽之勝凝滯且至非時水冰羽乃後化痔  
瘡發寒厥入胃則内生心痛陰中乃瘍隱曲  
不利互引陰股筋肉拘苛血脉凝泣絡滿色  
變或為血泄皮膚否腫腹滿食減熱反上行  
頭項凶頂腦戶中痛目如脫寒入下焦傳為

濡寫

五辰五戌歲也寒氣凌逼陽不勝之故非  
寒時而止冰冰結也水氣大勝陽火不行  
故諸羽蟲生化而後也拘急也苛重也絡  
脉也太陽之氣慄在於巔故熱反上行於  
頭也以其脉起於目内眥上額交巔上入  
絡腦還出別下項故囟頂及腦戶中痛目  
如欲脫也濡謂水利也○新校正云按甲  
乙經痔瘡頭項囟頂及腦戶中痛目如脫  
為太陽經病

帝曰治之奈何岐伯曰厥陰之勝治以甘清  
佐以苦辛以酸寫之少陰之勝治以辛寒佐  
以苦鹹以甘寫之太陰之勝治以鹹熱佐以  
辛甘以苦寫之少陽之勝治以辛寒佐以甘  
鹹以甘寫之陽明之勝治以酸溫佐以辛甘  
以苦泄之太陽之勝治以甘熱佐以辛酸以  
鹹寫之

卷五

三十七

六勝之至皆先歸其不勝已者之故不勝  
者當先寫之以通其道次寫所勝之氣令  
其退釋也治諸勝而不寫遣之則勝氣浸

盛内生諸病也。○新校正云詳此為治皆先寫其不勝而後寫其來勝獨太陽之勝治以甘熱為異疑甘字苦之誤也若云治以苦熱則六勝之治皆一貫也

帝曰六氣之復何如

復謂報復報其勝也凡先有勝後必復。○新校正云按玄珠云六氣分正化對化厥陰正司於亥對化於巳少陰正司於午對化於子太陰正司於未對化於丑少陽正司於寅對化於申陽明正司於酉對化於

卯太陽正司於戌對化於辰正司化令之  
實對司化令之虛對化勝而有復正化勝  
而不復此計云凡先有勝後必復似未然  
岐伯曰悉乎哉問也厥陰之復少腹堅滿裏  
急暴痛偃木飛沙保蟲不榮厥心痛汗發嘔

吐飲食不入入而復出筋骨掉眩清厥甚則  
入脾食痺而吐

裏腹脅之中也木偃沙飛風之大也風為  
木勝故土不榮氣厥謂氣衝脅脇而凌及  
心也胃受逆氣而上攻心痛也痛甚則汗

發泄掉謂肉中筋也清厥手足冷也食痺  
謂食已心下痛陰陰然不可名也不可忍  
也吐出乃止此為胃氣逆而不下流也食  
飲不入入而復出肝乘脾胃故令爾也

衝陽絕死不治

卷五

二十八

衝陽胃脈氣也

少陰之復燠熱內作煩躁嘔噦少腹絞痛火  
見燔炳嗑燥分注時止氣動於左上行於右  
欬皮膚痛暴瘖心痛鬱冒不知人乃灑淅惡  
寒振慄譫妄寒已而熱渴而欲飲少氣骨萎

隔腸不便外為浮腫噦噫赤氣後化流水不  
冰熱氣大行介蟲不福病癩胗瘡癩疽疔  
痔甚則入肺欬而鼻淵

火熱之氣自小腸從臍下之左入大腸上  
行至左脅甚則上行於右而入肺故動於  
左上行於右皮膚痛也分注謂大小俱下  
也骨萎言骨弱無力也隔腸謂腸如隔絕  
而不便寫也寒熱甚則然陽明先勝故赤  
氣後化流水不冰少陰之本司於地也在  
人之應則冬脉不凝若高山窮谷已是至

高之處水亦當冰中下川流則如經矣火  
氣內蒸金氣外拒陽熱內鬱故為癩胗瘡  
瘍胗甚亦為瘡也熱少則外生癩胗熱多  
則內結癰瘰小腸有熱則戶外為痔其復  
熱之變皆病於身後及外側也瘡瘍癩胗  
生於上癰疽瘰瘵痔生於下反其處者皆為  
逆也

天府絕死不治

天府肺脉氣也○新校正云按上文少陰  
司天熱淫所勝尺澤絕死不治少陽司天

火淫所勝天府絕死不治此云少陰之復  
天府絕死不治下文少陽之復尺澤絕死  
不治文如相反者蓋尺澤天府俱手太陰  
脉之所發動故此互文也

太陰之復濕變乃舉體重中滿食飲不化陰  
氣上厥胃中不便飲發於中欬喘有聲大雨  
時行鱗見於陸頭頂痛重而掉癎尤甚嘔而  
密默唾吐清液甚則入腎竅寫無度

濕氣內通寒氣不行太陽上流故爲是病  
頭頂痛重則腦中掉癎尤甚腸胃寒濕熱

無所行熏灼胃府故胃中不便食飲不化  
嘔而密默欲靜定也喉中惡冷故唾吐冷  
水也寒氣易位上入肺喉則息道不利故  
欬喘而喉中有聲也水居平澤則魚遊於  
市頭頂骨痛女人亦兼痛於眉間也○新

校正云按上文太陰在泉頭痛項似拔又  
太陰司天云頭頂痛項疑當作項

大谿絕死不治

大谿腎脉氣也

少陽之復大熱將至枯燥燔爇介蟲乃耗驚

瘵欬衄心熱煩燥便數憎風厥氣上行面如  
浮埃目乃瞶瘵火氣內發上爲口糜嘔逆血  
溢血泄發而爲瘡惡寒鼓慄寒極反熱噬絡  
焦槁渴飲水漿色變黃赤少氣脉萎化而爲  
水傳爲肘腫甚則入肺欬而血泄

卷五

三十

火氣專暴枯燥草木燔焰自生故燔藝也  
火內熾故驚瘵欬衄心熱煩燥便數憎風  
也火炎於上則庶物失色故如塵埃浮於  
面而目瞶動也火爍於內則口舌糜爛嘔  
逆及爲血溢血泄風火相薄則爲溫瘧氣

蒸熱化則爲水病傳爲肘腫肘謂皮肉俱  
腫按之陷下泥而不起也如是之證皆火  
氣所生也

尺澤絕死不治

尺澤肺脉氣也

陽明之復清氣大舉森木蒼乾毛蟲乃厲病  
生胠脅氣歸於左善大息甚則心痛舌滿腹  
脹而泄嘔苦欬噦煩心病在膈中頭痛甚則  
入肝驚駭筋攣

殺氣大舉木不勝之故蒼青之葉不及黃

而乾燥也屬謂疢癘疾疫死也清甚於內  
熱鬱於外故也

大衝絕死不治

大衝肝脉氣也

太陽之復欬氣上行水凝雨冰羽蟲乃死心

雜五

三十一

胃生寒胃中不利心痛否滿頭痛善悲時眩  
仆食減腰脰反痛屈伸不便地裂冰堅陽光  
不治少腹控羣引腰脊上衝心唾出清水及  
為噦意甚則入心善忘善悲  
雨冰謂雹也寒而遇雹死亦其宜寒化於

地其上復土故地體分裂水積冰堅久而  
不釋是陽光之氣不治寒凝之物也太陽  
之復與不相持上濕下寒火無所往心氣  
內鬱熱由是生火熱內燔故生斯病○新  
校正云詳注云與不相持不字疑作土

神門絕死不治

神門真心脉氣

帝曰善治之奈何

復氣倍勝故先問以治之

岐伯曰厥陰之復治以酸寒佐以甘辛以酸

寫之以甘緩之

不大緩之夏猶不已復重於勝故治以辛  
寒也○新校正云按別本治以酸寒作治  
以辛寒也

少陰之復治以鹹寒佐以苦辛以甘寫之以

鹹收之以苦發之以鹹熅之

不大發汗以寒攻之持至仲秋熱內伏結  
而爲心熱少氣少力而不能起矣熱伏不  
散歸於骨也

太陰之復治以苦熱佐以酸辛以苦寫之燥

之泄之

不燥泄之久而為身腫腹滿關節不利  
及伏兔怫滿內作膝腰脛內則肘腫病  
少陽之復治以鹹冷佐以苦辛以鹹與之以  
酸收之辛苦發之發不遠熱無犯溫涼少陰

卷五

三十二

同法

不發汗以奪盛陽則熱內淫於四支而為  
解然不可名也謂熱不甚謂寒不甚謂強  
不甚謂弱不甚不可以名言故謂之解然  
粗醫呼為鬼氣惡病也久久不已則骨熱

髓涸齒乾乃為骨熱病也發汗奪陽故無  
留熱故發汗者雖熱生病夏月及差亦用  
熱藥以發之當春秋時縱火熱盛亦不得  
以熱藥發汗汗不發而藥熱內甚助病為  
瘧逆犯神靈故曰無犯溫涼少陰氣熱為  
瘧則同故云與少陰同法也數奪其汗則  
津液竭涸故以酸收以鹹潤也○新校正  
云按六元正紀大論云發表不遠熱  
陽明之復治以辛溫佐以苦甘以苦泄之以  
苦下之以酸補之

泄謂滲泄汗及小便湯浴皆是也秋分前  
後則亦發之春有勝則依勝法或不已亦  
湯瀆和其中外也怒復之後其氣皆虛故  
補之以安全其氣餘復治同  
太陽之復治以鹹熱佐以甘辛以苦堅之

卷五

三十三

不堅則寒氣內變止而復發發而復止綿  
歷年歲生大寒疾

治諸勝復寒者熱之熱者寒之溫者清之清  
者溫之散者收之抑者散之燥者潤之急者  
緩之堅者與之脆者堅之衰者補之強者寫

之各安其氣必清必靜則病氣衰去歸其所  
宗此治之大體也

太陽氣寒少陰少陽氣熱厥陰氣溫陽明  
氣清太陰氣濕有勝復則各倍其氣以調  
之故可使平也宗屬也調不失理則餘之  
氣自歸其所屬少之氣自安其所居勝復  
衰已則各補養而平定之必清必靜無妄  
燒之則六氣循環五神安泰若運氣之寒  
熱治之平之亦各歸司天地氣也

帝曰善

黃帝內經素問補註釋文卷之四十七共



